



Inatsisartunut ilaasortamut  
Anna Wangenheim  
Demokraatit

10-02-2022  
Suliap nr. 2021 - 20805  
All. suussusaa 19135830

Postboks 260  
3900 Nuuk  
Oqarasuaat (+299) 34 50 00  
Fax (+299) 34 66 66  
E-mail: iian@nanoq.gl  
www.naalakkersuisut.gl

## Kalaallit Nunaanni avinnerit pillugit § 37 naapertorlugu apeqqummut nr. 162-2021-mut akissuteqaat

Asasara Anna Wangenheim,

Apeqqutitut qujanaq. Apeqqutigineqartut akineqarnissaanut Inatsisunik Atortitsinermut Ministereqarfik aamma Isumaginninnermut Utoqqarnullu Ministereqarfimmit ilanngutanik piniartoqarsimavoq. Apeqqutit ataasiakkaat pillugit Inatsisunik Atortitsinermut Ministereqarfiup aamma Isumaginninnermut Utoqqarnullu Ministereqarfiup ilanngussaataani naqinnerit uingasunngorlugit oqaatigineqarput.

### 1. 1. Naalakkersuisut nassuiarsinnaavaat, kredsrettini (eqqartuusivinni)- aamma Nunatta Eqqartuussiviani avikkumasunut suliarinnittarnerit qanoq sivisutigisarnersut?

#### a. Suliarineqarnerisa sivisussusai assigiinngissuteqarpat Rigsombuddimi aammalu eqqartuussivimmi? Taamaassimappat, naatsumik nassuiaqquneqarpoq.

Inatsisunik Atortitsinermut Ministereqarfik makkuninnga paasissutissiivoq:

*Apeqqutit taakkua akineqarnissaanut atugassamik Inatsisunik Atortitsinermut Ministereqarfik*

*Eqqartuussiveqarnermut Aqutsisoqarfimmit ilanngussamik piniarpoq, taanna imatut paasissutissiivoq:*

*"Ilanngussatut atugassamik Nunatta Eqqartuussisuuneqarfianit aamma Nunatta Eqqartuussivianit oqaaseqaammik Eqqartuussiveqarnermut Aqutsisoqarfik piniarpoq.*

#### 1. Nunatta Eqqartuussisuuneqarfia

*Piffissami 2016-imit 2021-mut (novembari ilanngullugu) Nunatta Eqqartuussisuuneqarfiani suliassat tiguneqartut amerlassusaat aamma suliassamik suliarinnittarnerup agguaqatigiissillugu sivisussusii ataani skemami Nunatta Eqqartuussisuuneqarfiata naatsorsorsimavai:*



	2016	2017	2018	2019	2020	2021 (til nov.)
<b>Sager om forældreansvar</b>						
<i>Ankesager</i>						
Antal modtagne sager	1	3	3	3	5	14
Gns. sagsbehandlingstid	499	214	254	350	151	142
<i>Kæresager</i>						
Antal modtagne sager	0	2	0	4	4	8
Gns. sagsbehandlingstid	-	16	-	34	8	25
<b>Sager om skilsmisse</b>						
<i>Ankesager</i>						
Antal modtagne sager	2	0	0	0	0	2
Gns. sagsbehandlingstid	384	-	-	-	-	Ikke afsluttet
<i>Kæresager</i>						
Antal modtagne sager	0	0	0	0	2	0
Gns. sagsbehandlingstid	-	-	-	-	39	-

### 1.1 Angajoqqaat akisussaanagerat pillugu suliassat

Angajoqqaat akisussaanagerat pillugu suliassat amerlassusaat ukiunut siuliinut naleqqiullugu 2021-mi qaffariarsimavoq.

Avinnerit il.il. imaluunniit angajoqqaat akisussaanagerat pillugu 2021 sioqqullugu nunatta eqqartuussivianit tiguneqarsimasunik Nunatta eqqartuussiviani suliassanik ingerlasoqanngilaq.

#### 1.1.1 Suliareqqitassanngortitat

Suliassat suliareqqitassanngortitat tassaapput eqqartuussivimmit imaluunniit Nunatsinni Eqqartuussivinnit eqqartuussut Nunatta Eqqartuussiviani suliareqqitassanngortinneqartut.

Angajoqqaat akisussaanagerat pillugu suliareqqitassanngortitani suliap ingerlanneqarnera ilaannikkut sivilsunaaraangat, soorlu ilaatigut 2016-imit suliareqqitassanngortitami takuneqarsinnaasumi, eqqartuussissuserisut ataatsimiinnissamut periarfissaanik, isumaginninnermut oqartussanit oqaaseqaatinik imaluunniit meeqqanut tunngasunik immikkut ilisimasallit misissuinerannik Nunatta Eqqartuussisuuneqarfiata utaqqineranik tamanna pingaarnertut pissuteqartarpoq.

2019-mut suliassanik sularinnittarnerup agguaqatigiissillugu sivilsussusaa ukiunut kingullernut sanilliullugu aamma allaavoq. Meeqqanut tunngasunik immikkut ilisimasalimmit nalunaarummik piniarnermi piffissamut tunngatillugu suliassami ataatsimi Nunatta Eqqartuussisuuneqarfia unammillernartoqartitsisimammat tamassumunnga pissutaavoq.

Angajoqqaat akisussaanagerat pillugu suliassani meeqqanut tunngasunik immikkut ilisimasallit misissuisarput misissuinermik taamaattumik pisariaqartitsisoqarnerani, meeqqanut tunngasunik immikkut ilisimasalinnik naammaginartumik piukkunnaatilinnik Nunatta Eqqartuussisuuneqarfia nalinginnaasumik pissarsiniarnermini annertuumik unammillernartoqartitsisarsimavoq. Pisumi ataatsimi misissuinerup naammassinissaanut Nunatta Eqqartuussisuuneqarfia Danmarkimit meeqqanut tunngasunik immikkut ilisimasalimmik pissarsiniartariaqarsimavoq.

Meeqqamut suna pitsaanagerpaatut naliliineq aallaavigalugu aamma sapinngisamik meeraq isiginialugu paasissutissarsiniarneq, ilaatigut meeqqanik oqaloqatiginninnerit aamma meeqqanut tunngasunik immikkut



*ilisimasallit misissuineri aallaavigalugit Nunatta Eqqartuussisuuneqarfia suliami aalajangiisarpoq. Suliassap aalajangiiffiginerani meeraq anaanamini ataataminiluunniit najugaqalissanersoq pillugu Nunatta Eqqartuussisuuneqarfia nalunaarsuineq ajorpoq.*

### *1.1.2 Suliassat ingerlateqqitassanngortinneqartut*

*Suliassat ingerlateqqitassanngortinneqartut tassaapput suliassat, eqqartuussiviup imaluunniit Nunatta Eqqartuussiviani suliap piareersarneqarnerani aalajangeereersimanera, tassani illuatungeriit arlaata nunap eqqartuussisuuneqarfianut ingerlateqqitassanngortissimasaa. Taakkua aalajangiinerit pissutsinik assigiinngitsorpasuarfik imaqarsinnaapput, uanili pineqarajupput utaqqiisagallartumik angajoqqaatut akisussaaneq, najugaqarneq imaluunniit najorteqarneq pillugit aalajangiinerit.*

### *1.2 Aappariinneq pillugu suliassat*

*Aappariinneq il. il. pillugu suliassani aningaasanut tunngasut matumani aapparisamat akilersuutit pineqarajupput.*

*Soorlu tabelimi takuneqarsinnaasoq, ukiuni 2016-imit 2020-mut avinnermut tunngatillugu Nunatta Eqqartuussisuuneqarfiani suliareqqitassanngortitsinerit marluinnaasimapput. 2021-mi suliassat marluk aamma tiguneqarput. Taamaattumik suliassanik sularinnittarnerup agguaqatigiissillugu sivissusaa suliassanik amerlanneqisunik tunngaveqarpoq.*

*Suliassat ingerlateqqitassanngortinneqartut taamatuttaaq atuupput, 2020-imi suliassat marluk taamaallaat tiguneqarsimallutik.*

## *2. Nunatta Eqqartuussivia*

*Apeqqutit akineqarnissaanut ilanngussinissamat paasissutissat pisariaqartut Nunatta Eqqartuussiviata piginnilai.*

*Taamaattorli angajoqqaat akisussaaneq pillugu suliassani meeqqanut tunngasunik immikkut ilisimasallit piukkunnaatillit pissarsiariniarneranik unammillernartoqarnera pillugu Nunatta Eqqartuussisuuneqarfiata ilisimatitsissutaa aamma eqqartuussivinnut tunngatillugu atuuttoq Nunatta Eqqartuussiviata uppersarsinnaavaa.*

*Nunatta Eqqartuussisuuneqarfiani suliareqqitassanngortitsinerni meeqqanut tunngasunik immikkut ilisimasallit misissuinissaannik piniartoqartussaana, meeqqanut tunngasunik immikkut ilisimasalinnik pissarsiniarnermi unammillernartut pissutigalugit misissuinerinik piniarnissamat eqqartuussiviit taamaatitsinnartarneranut pissutaasut annerit ilagigaat, Nunatta Eqqartuussivia isumaqarpoq.*

*Nunatta Eqqartuussiviata oqaatigaa, eqqartuussiviit ilaqutariit pillugit inatsisitigut suliassanik sularinnittartut, ikaarsaariarfimmiittut, Innuttaasunut ataqatigiissumik aaqqissuussamik qarasaasiakkut suliassat sularisarnissaanut nuutsinneqalersut. Maannamat ilaqutariit pillugit inatsisitigut suliassat, taamatullu innuttaasunut allanut eqqartuussivinni suliassat, ataqatigiissumik aaqqissuussamik suliassanik sularinnittarneq qarasaasiaq atornagu sularineqartarput.*

*Maannamat suliassat mappinut ataqatigiissumik aaqqissuunneqarsimapput, ukiut kisitsisaat suliassallu normui tunngavigalugit agguataarneqarnikuusimapput, paasissutissanik ataatsimoortumik pissarsiffiginissaat ajornarsisillugu.*



*Innuttaasunut ataqatigiisumik aaqqissuussap eqqartuussivinni tamakkiisumik piviusunngortikkiartorerani, innuttaasunut ataqatigiisumik aaqqissuussamit qallunaat illoqarfiini eqqartuussiviit naligalugit kisitsisinik paasissutissanik, matumani ilanngullugit ilaqutariit pillugit inatsisitigut suliassanik pissarsisoqarsinnaalissasoq naatsorsuutigineqarpoq. Taamaattorli siunissami ilaqutariit pillugit inatsisitigut suliassani ataqatigiisumik aaqqissuussinermut ingerlaavartumik ilanngunneqartartussanut taamaallaat atuuppoq.*

*Eqqartuussivinni sisamaasuni ataasiinnaq Sermersuup Eqqartuussivia maannakkumuugallartoq Innuttaasunut ataqatigiisumik aaqqissuussamik atuisuuvoq. Taamaattoq Kalaallit Nunaanni eqqartuussivinni tamani Innuttaasunut ataqatigiisumik aaqqissuussamik piviusunngortitsiniarluni suliniuteqarluni Eqqartuussiveqarnermut Aqutsisoqarfik aallartippoq.”*

*Akissuteqarnermut atugassanik Inatsisinik Atortitsinermut Ministereqarfik aammalu Isumaginninnermut Utoqqarnullu Ministereqarfik aqutugalugu Naalagaaffiup Sinnisoqarfianit ilanngussamik piniarsimavoq, makkuninnga ilisimatitsissuteqartumik:*

*”Kalaallit Nunaanni Naalagaaffiup Sinnisoqarfiani averusernermut avinnermullu tunngasunut 2019-2021-mi suliassanik suliarinnittarnerup sivisussusaa (§ 37 naapertorlugu apeqqummit 18.11.2021-meersoq akissuteqaammut ilanngussatut tigulaariffigineqarpoq)*

*Suliassamik suliarinninnerup naammassinerata kingorna suliassamik suliarinninnerup sivisussusaa naatsorsorneqarpoq:*

	2019	2020	2021
Averusernissamut akuersissut.	Ullut 46-t	Ullut 53-it	Ullut 54
Averusernissamut itigartitsineq	Ullut 63	Ullut 66	Ullut 51-it
Avinnissamut akuersissut	Ullut 50	Ullut 92*	Ullut 55
Avinnissamut itigartitsineq	Ullut 75	Ullut 74	Ullut 67
Suliat amerlassusaat katillugit	242	275	145



\* *Suliassanik siviluallaamik suliarinninnermi 2020-mi qaammatit pingasukkaartut aappaanni Naalagaaffiup Sinnisoqarfiata suliassanik qangalili ullulerneqarnikuusimasunik aqqissuisimanera ilaavoq tamatumalu kingorna tamaasa matuneqarsimallutik.*

*2021-mi suliassanik suliarinnittarnerup sivilussusaa qaammatit pingasukkaartut pingajuat ilanngullugu naatsorsorneqarpoq.*

*Inatsisinik Atortitsinermut Ministereqarfiup naggataatigut oqaatigaa, apeqqut 1a-mi qinnutigineqartut Eqqartuussivinni Naalagaaffiullu Sinnisoqarfiani suliassanik suliarinnittarnerup sivilussusaaanik assersuussisinnaaneq periarfissaqarsimangitsoq, pissutigalugu qulaani oqaatigineqartut paasisutissat pisariaqartinneqartut pigineqanngimmata. Tamatuma saniatigut oqaatigineqassaaq, Averusernemi avinnernilu suliassani illuatungeriit isumaqatigiissut Naalagaaffiup Sinnisoqarfiata taamaallaat suliarisari, eqqartuussiviilli isumaqatigiinngiffiusut suliassat suliarisarlugit. Suliassat pisariusuusarnerini assigiinngissut taanna suliassanik suliarinnittarnerup sivilussusaaanut sunniuteqarsinnaavoq.*

## **2. Avikkumalluni eqqartuusivimmi suliat qassiuppat, ilaqutariinnik meerartalinnik?**

### **a. Assersuutissatut ukiuni kingullerni arfinilinni skemanngorlugu nalunaarut ilannguteqquneqarpoq (ukiuni 2016, 2017, 2018, 2019, 2020, 2021).**

Apeqqut 1-imut akissut takuuk.

## **3. Paasisutissiisutigineqarsinnaava qasseriarluni aaliangerneqarsimanersoq, meeraq/meeqqat anaanaminni aamma/imaluunniit ataaminni najugaqassasut?**

Apeqqut 1-imut akissut takuuk.

## **4. Naalakkersuisut pilersaaruteqarpat justitsministeriaqarfik atassuteqarfigissallugu kalaallit nunaanni eqqartuusivinni avinniarnermut tunngasuni meeqqat kalluarneqartillugit, suliarinnittarnerup sivikillisarnissaanut?**

Qallunaat akisussaaffeqarfiata ineriartortinnissaa nutarterneqarneralu pillugit Naalakkersuisut Inatsisinik Atortitsinermut Ministereqarfik aamma Isumaginninnermut Utoqqarnullu Ministereqarfik ingerlaavartumik suleqatigaat.

Taassuma saniatigut isumaginninnermi suliassaqarfimmi suliamut ilinniarsimasut piginnaaneqarnerisa ineriartortinnissaat ilinniaqqinnissaallu Naalakkersuisut ukkalluarnerulerpaat tassungalu atatillugu suliniutit amerlanerusut aallartillugit. Isumaginninnermut suliassaqarfimmi ilinniartitaanikkut suliniutit naammassineqarnissaanut aamma Kalaallit Nunaanni meeqqanut inuusuttunullu atugarliortunut pitsaannerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinnermut<sup>1</sup>, meeqqanut tunngasunut najukkani piginnaasanik pitsaannerulersitsinissamik suliniutinik aalajangersimasunik arlalinnik imaqarpoq, aningaasanut inatsimmi kontumi 40.91.26-mut ukiumut 16,3 mio. kr.-nit immikkoortinneqarput.

<sup>1</sup> "Kalaallit Nunaanni meeqqanut inuusuttunullu atugarliortunut pitsaannerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatigiinneq", Nalunaarusiaq, august 2020, [https://naalakkersuisut.gl/da/Naalakkersuisut/Departementer/MIIN/Meeqqat Inuusuttut-Ilaqutariillu/Strategi-og-handleplaner/Groenlandsk-dansk-tvaergaende-arbejde](https://naalakkersuisut.gl/da/Naalakkersuisut/Departementer/MIIN/Meeqqat%20Inuusuttut-Ilaqutariillu/Strategi-og-handleplaner/Groenlandsk-dansk-tvaergaende-arbejde)





**3. Naalakkersuisut suliassamut paasissutissanik soqutiginaatilinnik allanik  
paasissutissiisinnaappat?**

Naamik

Inussiarnersumik inuulluaqqsillunga



Paneeraq Olsen